

\c 8

\s Nuik: Kudidemat nogo so, tong go menay sogo mang-king.

\t 1 Korintus 8:1-13

\v 1 Kudidemat no, ta kong genang so, tong go menay nogo kunala, motnang lo mo klik dali.

No, genam lo banim, ngge kalik mea pu: Motnang, seni-seni so mo klik:

“Seni so, imotnang go senong ngga, gemang!” No, senong seguong logo, woy-banu dabui ta tegue ey, saysuk nogo dewi-a gemang ya bubut.

No, klum logo sogo-a, wali ngge mea buong.

\v 2 Motnang sik sogo, nando tang golo duing go:

“Genam dega, ngganemot ey, naklay mo senong gabe!”

Esang! Nemot-a seni ta maning suey so kua mlak.

\v 3 No, nando, Ki Wali Iram no dabui mo iti go-a, sedue ngganemot-a,

Ki Wali Iram lo, nemot go duduing naklay mo senong.

\v 4 Yang, nggeasui go kudidemat nogo so tong go dasi

dedam genang sogo nebut mea pen! Ngge kalik so gabe:

Imotnang seni so mo senong, kukunan blo sogo, ta kokong genang sogo, demat, kua!

No, Ki Wali Iram seguong-a dui ey, klaya gemang got-aton!”

\v 5 Nemot-a, seni so, wamoy so woy-banu lo duing go:

“Ut ey nan ey go ba sogo, demat mata so gemang!”

Ngga kalik duing go, kukunan blo, ida ey, don meno-meno, mata dega so gemang dali.

\v 6 No, imot go, Ki Wali Iram klaya seguong gabe. Ngga Wali Aya, ut-nan,

si-kabung, wi-dasi, taut naklay-naklay ngge, Nemot go blong-don sik so,

gabe lemoy-angum. Imot, Nemot nogo so, gabe uwali. Nggano, Woy Dem

klaya dali, yangga, Yesus Klistus seguong-a klaya! Nemot blo logo tang so,

naklay-naklay ngge, gabe mo lelemoy, Nemot logo so, imot gabe uwali.

\v 7 No, sedue kabung naklay, sesenong ngga, maning suey so kua mlak.

Motnang sik sogo sedue kabung temu gemang. Nemotnang kudidemat

ngganemot no, kangok so maning duduing go tang so, nemotnang

logo demat no iti go ten kua dedam. Nemotnang go dabui, don kua go nogo,

ten ngga dedam go logo, waglo kenip ey go suali so!

\v 8 Seni so, ten logo, imotnang Ki Wali Iram dagu sono go, ya kua wawi go pung.

Nuey-a, ten dedam go, kua dam go, sogo-sogo imot nogo

ya kua tebok, nggano ya kua nega dali!

\v 9 Kunala temoy no se! Mot lo tang kua usi goso, dabui ta itak go ey tebadali

dedam klong go logo, sedue kabung meno, dabui don maning kua kok go,

motnang tang so kenong ey go!

^{v 10} Motnang banim suey se duing! Mot lo ida-yap ba so, ten ngga dedam go nogo, sedue dabui don kua go, ngga ikum go nogo, nemot ya lek go dam dali? Nogga kalik go, motnang go waglo don ey go logo, nemot tap piam go sono gemang tenget.

^{v 11} Seni so, mot go andua, dem-debui, waglo don maning kua go, ngganemot nogo so, Klistus mo kebong dali. No, motnang go senong-don tang so, nemotnang piam ba no pui go, mang ne ya nega. Esang!

^{v 12} Ngga kalik semu go tang so, mot logo, mot go andua, dem-debui nogo tasam piam go, kon ey go, gemang tetaling. Nemot go dabui blong kenip go tang so, motnang lo Klistus nogo piam gemang ya semu dali!

^{v 13} Ngganemot sogo so, at tang so gabe pepen: Nago no, ten dam sik so, genam go andua, dem-debui nogo, kon so lelemoy go, genam, ngga kalik go menay ngga sono mea dega. Mea kua dam seni. Ngga kalik go, genam go andua mea kua pui.